

OREOLE
 CIBOLE
 KOGUI
 DAMANA
 YUKPA
 WAYUNAKI
 ACHAGUA
 ROMANÍ
 ITTE INPAKA
 KINOLA NI DALINGI
 BARÍ
 TULE KICHWA
 WOUNÁN U'WA
 EMBERA HITNÚ CUIBA
 TATUYO TINIGUA PIAROASIKUANI
 ÑENGATÚ GUAYABERO SIRIANO SÁLIBA
 ACHAGUA
 CARAPANA PUINAVE PIAPOCO
 EDUÚRIA TARIANO CARIJONA KURRIPAKO
 NAMTRIK WANANO TUYUCA KUBEO BARÁ
 YANAONA NASAYUWE DESANO PISAMIRA
 INGA PIRATAPUYO YURUTÍ BARASANO
 AWA PIT. UITOTO TUKANO MAKUNA
 TAWANO
 CABYARÍ COBAGUAJE KAMENTSÁ KAKUA YUHUP
 COFÁN SIONA MIRAÑA
 TANIMUKA ANDOQUE
 COCAMA NONUYA
 MUINANE OCAINA
 TIKUNA
 BORA
 YAGUA



NASA YUWE

Acuerdo Final para la Terminación del Conflicto Armado

Una publicación de
**La Oficina del Alto
 Comisionado para la Paz**
 y traducida por
MinCultura

JXUHMEE KUTXIHNI'S WĒT WĒT FXI'ZENXI'S PUUTX WE'WENA ŪSWA'J

TEC, X YUWE

Naa Culubxiabxiate kiwe u'se u'nxi's pekuhna: jxukaisa zxizkweçxaa tadxina u'juwa'j kiwe u'sek yūu

Jxukaisa zxizkweçxaa pekun u'juwa'j u'sek yūu ū' uhnxi kiwe, kaçxwa'ja's pakwe' tasxujuy yu'pthēwa'ja's pekun u'juwa'ja's, ū' uhnxi kiwe's, dxi'ja's phewu'hn wēt wēt jxuka nasajīwe'sx ū' uhnxi kiwe, txā'wēy, txāa pa'ka, bagaçx yuhpa puyiwa'ja's yakxwa'jme', wejx yuupa wēt wētçxaa fxi'zewa'j j'i'ptha'w.

Naa yuwe wēt wēt fxi'zewa'ja', jxukaisa u'y ma'k yūu kīimeçxa piçthē'j ma'k yūu ū' uhnxi kiwe, Nasawe'sx, musxkawe'sx ma'k yūu txā' meeçxa' vxite Nasawe'sx ma'k yūu nava txā'wēy.

Naa kiwe'sa' Estadu' içxaa jxpeiny j'i'pha' çxhaçxha nvxitwa'ja's thēgna. Naa kiwete uta thēgna, çxhabtewe'sx ma'k yūu. Ū' uhnxi kiwewe'sxte ma'k yūu napa, ja'daçxa pekuwa'ja', wejxkwe ū' uhnxisa kiwesa' wala çxhaçxha mjīina yakxwa'j j'i'ptha'w, yukha's thēgna, txā'wēy ew zxizkweçxaa naa yuwe wala's ki'pna ū' yuwe's nvxitwa'j ūsna'k thēgu'.

Naa kiwete fxiy fxiy Nasa wala ūsna, nava txā'wēy zxizkweçxah pkhakheçxa'j yakxwa'j fxi'zewa'j j'i'pta'w.

Txāa RRI jīnisa' jxukasawe'sx akhwa'ja', txā' jīte', mazkwēe kiwe pe'la jxpeynxi uhna ūsna, txāa yuwe wala'sa' puutx we'wewa' ūsna'k thēgu'j, txā'spa thēwa'hna. Naa yuwe wala'sa' wejxkwe thēgwa'ja's ya'j'i'phuwa'j kasejen, mdeene' yuwe wala puyin ūsu' kxteepa'. Ki'h mdeene' wejxkwe Nasawe'sx yuhva j'i'phmee, vxite' thēgnximee ūsu'. Naa yuwe wala's we'wesa' çxhaçxhamee ūste', jxuth musxka yuwete ewmesaa jīnisa wala ūsta'.

I. Kiwe's kasxwedute', ki' ma'wē mjī'wā'ja's thēgna.

Txā'wēy Nasawe'sxtxi kiwe ewmesaa, meçxa' kiwe j'i'mesatx, tyā'we'sx jīi kiwe uswa'ja', vxuu wala pkhakhçxa. Txā'wēy kseba a' kafx ksewte, tekh milxun kiwe pe'la ūsna'j j'i'pha' Nasawe'sxtxi'.



Acuerdo
de
Paz

Kiwe ūswaja', naju yuja', 1). Vxitetx kiwe kusanxitx. 2) yu'kh wala kiwe ji'meeii, u'junxisamee ūsna, vxite kusete txā's kuseçxah ūstxin. 3) yu'kh wala kiwe fxinanximee, isa kçxhaçxhawa'j. 4) vxite kiwe ūstxin, kiwe ji'pmeesaa, thëgnimeesaa meçxa' yu'kh vxitwa'j txā'thu dukhetxna. 5). Kiwe peite', txā's weyçxa', meeçxa' kuseçxapa kiwe's dukhna ūsutxna Nasawe'sxtxi. Txā'wëy Kiwe wala ji'psa', Gobierno kiwe pesna ūste' kwe'sxa jxpa'kawa'j ji'ptha'w.

Txā'wëy kiwe ūswa'ja's, vxite jii kçxhaçxhahn athni, vxuu pesna kiwe weyna uhkhan, txā'wëy iičxaa vxuu uluhçxa kiwe weywa'j ūsna.

Kiwe namu yūuwa'ja's wala khçxhaçxhajaxna naa yuwete, txā'wëy sa't milxun kiwe pe'la wala namu yūuna ukhan.

Txāa kiwe wala namu yūuwa'ja'sa', kiwe wala yuh fxiisa', uusaa, txā'wëy kiwe nmeh watxi' nxiya'sa' ji'psa', u'ykwëytxi uswata' uu kiwe vxite uusa nxisa, meeçxa' uuyçxaa u'jusaa, txā'wëy kiwe puyinxisa upçxa yūusa.

Kiwe wala's ūste fxii u'pwa'ja's , vxuu ūsutxna xā'wëy vxuu wala pkhaçxa. Fxii u'çxa', txā'wëy maju kiwe's fxiin uwa'thë' thëgçxa' pu'çxwa'j usutxna, txā'wëy wët wëtsaa fxii uswa'j kasejena Nasa wala ū'n ūswa'j ewkweçxaa pekuhn ūswa'j, dxi'ja's pheuwuhn, yu' kawa'j kase'te, wët wëtsa pekuhn u'juwahthe, txā'wë ewkweçxaa piyan ūswa'ja', yat ji'phuwa'j ū'tx txweyna.

Kiwe' zxizxkwë eewçxaa fxi'juwa'te uswahte, wejxkwe ew thëgna, phewuhna, thëgna, mteepa u'jwahthe, txāa yuwe'spa thëgna puutx we'wetx:

Txā'wëy yuwe mahkxa'spa kiktxi, txāa yuwe's ewkweçxaa thëgna u'juwa'j naa kiwe wala uta, txā'wëyii ewkweçxaa nvxitwa'ja', bagaçx yuhpa puyimee ūswa'ja's kajiyuhna.

Naa kiwe wala'sa' ewkweçxaa nxitwa'ja's, thëgna uhna, txā'wëy ewçxaa wiswa'ja's, wala yuh zxizxkwëçxaa thëgna ūswa'ja's yuwe nvxituçta'.

Xā'wëy kiwe wala'sa' wala ew phewuhnxi neyuuça', fxihnxi makxu, txāju yā'ja' Gubiernu yakh yuuçxah, Nasawe'sx yakha',ki' txā'wëy vxite txweysaa wala yakh puutx we'wena.

Txā'wëyçxaa sa't a' kafx taun, eç, catastro jīnxisa phewuhna neyuuwa'sa, sa' kiwe namu eça's phewujuna, txā'wëy, vxuu pkhakhwa'ja', txāaiiçxaa selpina u'juna ma'wëntepa.

Txā'wëy, kiwe phewuhni neyuuça', maa kiwe fxi'jwa'j neeyūun, maa kiwe yukhçxaa neeyuwa'j, mteepa fxiwa'kh yūu, txāapa ew isanxi neyūun. Nasawe'sx jii uu ujwa'the makh yuu, txweywa'j



**Acuerdo
de
Paz**

makh yuu txã'wëy jxuka thëgnxi neyũun, kiwe's maa isanxi neyũun, vxite Nasa ũstxina, musxka ka'd kiwe, meeçxa' txã'wëmee ma'k yuu, nava, ja'daçxa, txã'wëy yaçka uutasx uuwa'j ma'k yũuna kase, meeçxa' txã'we'sxiçhxaa uuwa'j.

II. Naa kiwe's wala ew thëgwa'j ji'ptha'w

Kseba a' kafx, naa kiwete ew phewuhnximee yuukan, wala zxizxkwe dxi'ja's kikh teçxaa yuhpa kasejen, txã'wëy, uunxi kiwesu we'sxa', Nasa wala pkhakheçxa' ewteçxaa neeyuutxna jxukaisa, ja'daçxah ũswa' sa' thëgna neeyũuwa' uytxi, naa kiwesu Nasa ũstxin, txãawe'sxa' fxii thëgna fxi'zetxna.

Fxidna wala txaawa'ja's. dxi'j wala's, dxi'j le'çxkwe phewuhwa'ja' kasejeça', txã'wëy, naa kiwe uta eena kwetsa kũukan yat dxisu, yaçu ji'pkan, internette kũcan, uu kiwe uunxisa, txã'wëy yu' kaawa'j ji'p neeyũukan, e'ztewe'sx, txã'wë vxite yu' kiwesu ujwa' ji'ph neeyũukan.

Nasa wala we'sx jĩi, jwee ma'k yuu, wët wët fxi'zenxi, ki' txweyna, e'ste luuçxi jĩi wejxkwe' piiyan uuh ũswa'j nxitutxna, yatt ji'phukan, yu'pa nmeh ewsaa ji'phukan, txã'wëy wala ew yu'kh yaçka nxitna neeyũutxna Nasawe'sx jĩi, peekuhwe'sx Ewçxaa fxi'zekan.

uhn uhnxu kiwesu wesxtxi wala yu' pu'çxwa'zxa wejxkwe' çxhaçxha uhkhan, yaçka, Nasa wala we'sxtxi, txwey wa'j ma'k yuu meeçxa' txutewa'j ma'k yuu nava vxitwa' kasejen, naa yuwete jiisa, pu'çxna yũun ũsutxna, ki' çaaam vxisnxisaa pejxte, vxuu pu'çxitxna, txwey wa'ja'spa thëgna, Nasa fxi'wa'ja's vxitna, nmeh wala thëgna ũswa'j kiwe.

Txã'wëy, wala yu' zxizxkwe thëgna kasen ũsuna, ũ'a's ma'wë txweywa'tepa, sa' ũ' makwe kasetepa, txwetwa'j ewna, sxigmee, Nasapwe'sxiçxa', meeçxa' txã'wëy, çxhab wala ju'gu, txã'wë, RRI kxkasa' ju'gu, wala çxhaçxha' thëgna ũsuna, maju neyũuwa'tepa, mazkwe kutxina'pa, ja'daçxah neyũuna txã'ju thëgçxa nxitutxna.

III. Yuwe wala'sa' ew nxitwa'ja', wala yuh newe'wena, vxite pu'çxna, ũ' makwe ũsna, nava jxukaisa na'wë yakçxa' thëgwa'j ũsa'.

Ew yuu, phewuhçxa' nxitwa'j yũuna, wala yukxpëhna yuwe wala's thëgna, naa kiwete uta, msuu msuupa ja'da', kwe'sx kiwesu kũhpkaçx, txã'wëy Nasa jxukaisa ũ' ji'phuwa'ja', Nasa naa kiwete jwee pa'ka yũumee ũswa'j, uhte ma'k yuu, uu kiwe pëyte uuwa'hte' nãwëk yuu, txã'juy yaçkaçxaa



**Acuerdo
de
Paz**

nxithna, ü' txweyma'kwë peswa'j ma'k yuu, nava, ü' wala üswa'j ji'pha' ü' wala üste', Ewçxaa thëgna meçxah ewçxaa yu'pthëhna , maju vxitçxa' üstepa.

IV. Ew zxizxkwe yaçka nxitwa'j naa kiwe uta

Mtee wejxkwe' Nasa kih yuhpa jiimeesa üstxin, txä's wajxkwe' thëgwa'ja's ji'phuna, mteene'ta weyna puyin üsu', kim yuhpa pu'çxnimeesu üsuhne'ta naa Culubxia kiwe yuwete, ewmesu fxiinana üsuhne'ta, txäa kiwete wejxkwe' yuwe ewsa's jxun pakwete 'yuuna, kiwe ewa's thëgna, ew fxi'jwa'te, naa kiwe uta, Nasa makwe üsna, txä'wëyçxaa jxukaisa kaçxçxa , puutx we'wena, fxi'jna kuhççxa' majuy yakxçxa ki'putxna.

E'Z YUWE

Jxuh jxpeyççxa' uhnxisa's pkhakhewa'ja's puutx we'wena, puyinximee yuwe's zxizxkwe thëgna, sa' dxi'ja'spa txä'wëy zxizxkwe ki'phna.

Puyinximee yuwe's yukaisa yuuçxa thëgte, jxukaisa yakh thëgwa'j kasejena, ja'daçxa uhn üswa'j, fxiy fxiy thegme, txäa yuwe's zxizxkweçxah thëgna, ma'wënteaya' kwe'sx üs ki'pna ujwa', txä's atxahna u'jwa', ewkweççxaa jxukaisa pkhakheçxa Nasa wala we'sxa' makwe yuwe phewujwa' üsna, naa kiwete, txä'wëte', puyinxi yuwe's tee wedte yakxwa'j, kamba jxä'hna', ki' ewteçxhaçxha jxukaisa neyüuwa'ja's, sa' txä'wëyççxaa jxuh jxpeyççxa' nxitwa'ja's yakxna.

I. Yuwe ew ki'pna üswa'j üsna, yuwe wala's phewuhna, naa yuwe's txä'wëte' na'wë puutx we'wenka'w ayte.

Jxuh jxpeyççxa u'jwa', txäa yuwe's pkhakheççxaa thëgwa'j, Ewçxaa puutx we'wen u'jwa'ja's, Jxuh jxpeyççxa u'jwa'j, wejxpa jxthakwe jiisaa, FAR - EP naa we'sxa', nmeh kutx pupni neyüutxna txäawe'sx yuwe wala's thëgna, ki' pakwena, kjina, txä'wëy atxahn yüute', kxtey Gubiernu, yuwe walasa' thëgna, txäawe'sxtxi yakxçxa, thëgna, puutx we'wena u'hñ pkhakheçxa.

II. Wala yu' thëgnxi neyüutxna, naa yuwe's fxi'jwa'sate, ew zxizxkwe Jxuh thëgçxa uhçxa' nmehte kpahkxna kuhya' ewutxna.

Wala thëgsa' ki'putxna, txäa yuwe wala we'wesatx, aç'a' txäawe'sxa' na' yüutxna: a) yuwe walasa nwe'wena fxiyatxna, b) pa'yakxwa c) puphwa'j d) ewkweççxaa thëgwa'j txä'wëy pikxna uhn üswa'j, vxite dxikhthetx thëgna ki' Nasa üswa'j yuwe wala's thëgsa.



**Acuerdo
de
Paz**

III. Dxi'j ew phewuhwa', yuwe wala's thëgsawe'sxtxi', sa' vxite Ewçxaa pkhakhen üsawe'sx, puutx we'wena, yuwe wala's ki'khna, mazkwe Nasa phkakhkewa'sa' üstxna, txäatxi fxi'jna pkhakheçxa jxkaasa's Jxuh jxpeyçxah uhnxisa's pëyna.

Nasa makwe pkhakhetxki kwe'sx kiwesu, yuwe wala's puutx we'wesa' ütxina, txäa jxukaisawe'sx pi'kitxna ew pkhakheçxa', yuwe wala's, üus ki'pwa' dxi'j kikhna u'jwa', yukaisaty tengua, pupwa, tya yuwes pushwasa, nasa walaty tengsaweshityi, sa' txä'wëy pkhakheçxa suswa'j kasehte', kwe'sxtxi nwe'wesaa eç ma'kxwa üsna fxiyukamen , ewkweçxaa yuwe's kikhna u'jwa', txä'wëte' Gubiernu iičxaa wala thhëgna ji'pna naa kiwete uta, txäa yuwe's thçegna küjuçna.

Nasa walapa yuwe's kikhna u'jweçtxna, çaaam welxkwesu ma'k yuu, meeçxa' vxite dxi'jpa üsna pkhakheçxa' we'wena fxi'zewa'j.

Txä'wëyçxaa mazkwee dxi'j u'se uhn üstxina, txä'spa txä'wey ta'sxixna, nasa Ewçxaa wësehn u'jukan, Nasawe'sxtxi kapiyahna, kitepa pejxte txä'wey vxuu dukhna u'jwena Gubiernu, maju zxizxkwe fxi'jwëjçtepa, txä'wëy yuwe puyinime üskan bagaçxtepa.

Yuwe wala'sa' zxizxkwëçxaa thëgna u'jna, wësehna, puutx we'wena u'juwa'ja's yakxna, bagaçxte yuhpa sa' ki' ma'wënte yuhpa puyimee fxi'zetxna.

Tyawey tyajatynatse, eucuesha putyweuna kasewasa, naa kiwete, tyawesh pityna yuwetyinase, tengna, gobiernoyac jandasha, eucuesha putyweuna usuajtep, fiiteyupa tenguamepa, wey, walayu eucuesha weuna, putyweuna yunuswantse, yu yuwe eupcsh, kambapcash. Ki tengjna, yuwe kasejepantse.

Nasa wala kwe'sxtxi jxikaisa nmeh ew thëhna üstxina.

Naa Gubiernu wala yuh thëgsa' txänsu, pi'kx u'juwa'ja's thëgna, nwësehn, Kaapiya'hna ma'wë thëgwa'satepa, vxite wala zxizxkwe we'wesatepa, ki' vxite ki kapiyan, ki' vxite isatepa jiyuna.

Ki' yuwe wala's thëgwa'hsaa, dxi'j pakwesa meeçxa' kikhna, jxukaisa Nasawe'sx pkhakheçxa jxä'wa'jsaa.



**Acuerdo
de
Paz**

Txã'wëy thëgna, maju yu' fxin u'jwa'tepa, zxizxkwe we'wena nxitwa'tepa', vxite txã'wëy wala ew fxi'jna nxithwa'j, Nasa wajxkwe eala wësehkan, piyakan, ki' pkhakhena üsnxite üsna. Ki' vxite pkhakhenxipa kajiyuhna.

III. Dxi'j wejxkwë' ewsa's thëgna u'hñ üswa'j, Nasa wala pkhakhewaj, Jxuh jxpeyçxa u'jnxipa thëgna, ja'daçxah pekuhwa'tepa', nava kin yuhva wejxkwë' jisame' ja'dakxah zxizxkwe puutx we'wena jxã'wa'äh.

Txã'wëy puutx we'wena nes yüuna bagaçxtepa Nasaw'esx jii yuwe wala's thëgna mauyu bagashpa nasawesxii yuwe wala's thëgna jxukaisatx nxithna, wajxkwë' çhaçxha yujuna, kim dukhetxki, txãa Nasawe'sxtxi txãwa'ja's, ki' txã'wëy mdeepa mtepa tasxujuy na'wë ujweça'.

Wala yuh ewçxaa isa's txãwa'ja', Nasa wala yuwe's thëgwa'saa.

Nasa wala pkhakheçxaa katekahçxah, ew isasa's katekahçxah yue wala's fxi'jwa'j txã'wëy maa Nasawe'sxtxi yu' eç ji'pmeewaça', txã'spa kutxihna, çxhab utxasumee u'psatxpa txã'wëy jwee fxiythëh yuhpa, ki' Nasatxi isana, mazkwe üstepa' jiyuya' txã'wëy maju kasehtepa thëgwa'jsapa' ki'putxna.

Tee jwed vxitha yuwe wala fxi'jwa'satx

Meh jisatx ki'putxna, thëhwa'jsaa, Nasa wala yuwe's fxi'jwa'jsatx, txaãwe'sx nwe'wekan, yukxpëhnan sa' Gubiernu' wajxkwë' ku'le ujkhan, Nasa wala yuwe's fxi'jsatx ki'pkan kwe'sxa' ki'hçxapa' yuukan Gubiernu' jweeiçxaa kçhaçxhahna yuwe wala's phëwuhn, ki' ku'len u'jwa'j.

Txã'wëy yukxpëhn, we'wena, pu'çxna, naa yuwe bagaçxtepa, ewkweçxaa, ku'leçxah uhn üswa'ja's nvxitna.

Txã'wëy kapiyahnxisa' Nasnasana ewçxaa pkhakhen fxi'zen üswa'ja's, piçthë'h ma'k yuu meeçxa' kuh pkhakhesaa ma'tx yuu nava Ewçxaa pekuhna u'juwa'ja's kajiyuhna.

Etste ashityintse, maa nasa fiiyha ujuetyintse, puyinime yuwes



Acuerdo
de
Paz

Kseba setx kaçxwa'ja's äçxhteya' naa eensu ki'pwa'jte' nxithna, txä'wëy kaçxa wa la puutx we'wetxna Nasa wala ju'gu yūuna ki'h wala pxtha yune'ta puyinxi yuwe's neyūuwe'sxte txäawe'sxii thëgwa'j yūuna u'jweçxa', bagaçx yuhpa thëgnximeesakhīçesaa Nasatx we'wena Nasana dxi'pa ahna,naa yuwe wala's puutx we'wena.

TEK YUWE

Puyinxi Yuwe pçuukh

Çaamtxi, ki'pwa'j tee wedte, jwe puyimee, bagaçx yuhpa pçuuwa'meete neyūuya', ewteçxaa puutx we'weya'pate neyūuya' äçxju yä'ja.

Jwee puyinximee yuwe, na'wë thëgçxa', ki' yakhçxaa nvxitwa'ja', jwee äçxu yä'jä vxite's uukapakxmee yuwe sa' maju yujuwa' neeyūuççxa, atxh bite atsawe'sx yack ma'k yuu, ki' FAR – EP kwe'sx yakh, jxuka thëgwëte' peçxkanuççxah, txä'wëy Nasa wala jwee ukhnee pejxiwa'saa, ūswa'sath nxitwa'ja äçxh juyä'ja'.

Txä'wëy zxizxkwe yuwe's jxuhn pa'thë', ki'h txä'wëy kxtey yuuna kaathe puyinximeju yä'ja jxukaisa zxizxkwe kaççxa çaaamtxi' dukhetxna, vxite bite athsapa, meeçxa' yu'khsawe'sxpa txä'wëy FAR – EP ma'k yuu, txäaju yä'jä' naa kiwe wala sxuna' neyūna kihpa susnximee mtee mteepa, çaama' jxuka jxä'hxi neyūutxna.

Çamtxi nxithwa'ja's yakxna, tud tud wala ew thëgna, isa txäanxite Nacione Unidas we'sxii txäawe'sx çaaam wala's jxuka pa'katxna, txäa çaaam jxukaisawe'sx tusnxisa's, txäa yakhku kih een yakxwa'j vxitutxna museute txäawa'j kuskate maa maava thëgna fxi'zekan.

Txä'wëte', naa yuwe's kapçujuhna kühte' ew yuh kaawa'hte susmee ki' puyipameevxithçxah nmehtepa' yu'khsawe'sx ma'tx yuu, bite athsawe'sx ma'tx yuu äçxhuyä'ja' kwe'sxa' jweiiçxaa yakxna Nasawe'sx yakh pekujwa'j sa' jwee jxukapa u'jwa'jmee,äçxh juyä'ja' e'z kseba e'z kiwe pe'la pakwewa'j vxithna setx ähte puutx we'wena ūswa'ja' kxtee jxukaisa we'wena kajatxna.

Naa puutx we'wenxi taun yuwetepa' txuhndenxi ūsa', tudkweçxah ew kajiyun kaahna, ja'daçxah ūus ki'pna yakççxa', puutx we'wen jxä'jätxna puyi yuwe's, kxte' ew yuh eç vxithna kaçxwa'j ūsa'. Ki' nmeh puutx we'wena jxa'jxa'.



**Acuerdo
de
Paz**



I. Yuwe takhwa'j

Txã'wëy jxkaasa', ma'wë vxithwa'thepa' thëgutxna, a'te isa maju fxi'jwa'pa kasejen ki' yuwa'thepa' naa kseba hkeb a'tepkhaçx.

Txã'wëy, wala kandawa yũuna, maju fxi'jwa'thepa'. Yeskesha unujua. Txã'wëy vxite Nasa wala thëgna yujujwa', ki' txã'wëy ejercitu meeçxa' policia ma'k yuu nava txãawe'sxpa thëgutxna.

II. Naa yuwe's majuu thëgwa'tepa CFHBD , vxite' DA

Tekh kseba tahz tasx, yuwe wala ewuwameek yuu, nava puutx we'we yã'çxah CFHBD txã' wejxkwë' walasa', txã'wëy yuuwesa' vxite thëhwa'j, txãã pxiahtewesxa's nmeh ew mjĩina. MM&V.

Yuwe thëythë'sa's wala yu' thëgna ũstxna, mdee mdeepa naa yuwe's puutx we'wena kutxinxisa's vxitukaneen, meeçxa' txã'wëy tuphikameen, meeçxa' wejx çxhaçxha u'hkhan CFHBD meeçxa' DA vxite Nasa wala, jwee yakxkameen meeçxa' wala çxhaçxha yujuhn ũskan.

III. Ma'wë thëgna yuwa'htepa ki' jxi'kxna sa' ma'wë u'jweçtepa jiyuya' MM&V.

Naa thëgnxisa' dxi'ja, tekhsa kaçxaũs yakxnxisa'vxite Gubiernu wala, ONU, vxite Yukhsawe'sx FRAC –EP, thëgna yujutxna, ma'wë u'jweçtepa' jiyun ũsya' txãa yuwe's puutx we'weya', CFHBD vxite DA txãawe'sxa' sweçte' phewuhn ujwetxna, ewmee suste CFHBD DA.

Vxite Jxuh kiwe nasawe'sxa' txã'wëy MM&V (CI-MM&V) wala ew thëgçxa çaahtxi nvxitutxna ma'wë u'jweççxa' jiyuçxah DA, txãa yuwe na'wë puutx we'wenxi neyũuna eçte' jxkuka kasehkan u'hkhan.

Ma'wë fxi'jwa'tepa MM&V ew ũus ki'pçxah nmeh zxixkwe puutx we'wena u'jwa'ja's yakxna, ja'daçxah kaççxha yuwe's thëgna kim yuhpa fxiite yakxmee, yuwe walasa's naa kiwete ma'wëva ki'pna fxiy fxiy ũsta', Nasa wala we'sxtxi' yakxna naa kiwete uta pkhalhena.

**Acuerdo
de
Paz**

IV. Maa kiwesuva pekuwa'tepa'

Txã'wëy yukhsawe'sxpa pekujtxna mdee mdeeva FARC –EP jwee yakxmee u'jwetxna üskan, txã'wëy bite athsawe'sxpa üsutxna, nava, txãawe'sxpa ki' fxiyu' uhmeetxna.

Txã'wëyçxaa jxã'hna uhn thëgnxisa' txãawe'sx kiwe tasxuy uhçxa neeyüuwa'ja's yakxna pekujtxna 180 eente ähpkaçx üsutxna.

v. Ekwëçxaa peekx uhn üswa'

Naa yuwe's puutx we'wena u'jweçpkhaçxa', ewyuu dxi'ja's kikna u'jweçdxi'hçxa', txãa CFHBD - DA nawe'sx yu', ew yu' pu'çxna phupna üsutxna, MM&V, tha Nasa yu'chsawe'sxtxi, FARC –EP, txã'wëy naa Culubxiate jxkaasa' Nasawe'sx jïi, bite atsawe'sx jïi, txã'wëy vxite thëgsa üstxina, txãawe'sxçxipa.

Txã'wëy çaaam ta'date uujweçte', wala yuh thëgwa'h ji'ptxin, çaaantxi jxawçxa', jwee vxismee, FARC –EP yu'sawe'sxa'.

V. Mtee mneyuwate, uswate

Txã'wëy tud tud naa ewyuh xzixkwe yuwe's kçxhaçxhana pekuhna nxitwa'j msuu msuuva tha kiwesu naa Culubxiate kiwete uta meeçxa vxite ähsu vxite aysu.

VI. Çaaantxi nxitna DA

Txã'wëy tud tudçxa jxuka çaaantxi isate nvxitna, pkhakhçxa tee jwedteçxaa äsxwa'j ji'phutxna mayu yuhpa vxitukameen, tee jwed jxuka pkhakhçxa dukhetxna meeçxa' suwa'jmeekh neyüu, nava txã'we'sx thëgnxisa' FARC – EP we'sxtxi.

ONU pa'kaçxa' txãa çaaantxi dukhena yu'khsa vxisnxisatxi FARC –EP txãa ji'we'sxii makwe üsna, sa' ew jiyuçxah äçxha kxtey thëgna. Ew jiyuçxa tun tud kthëguhna ujwena naa kiwete uta FARC –EP ki'h yuhpa çaaam ji'mee neeyüuna küjutxna.



**Acuerdo
de
Paz**

Tha CFHBD thawey DA aite puyime yuwe yuca jyanineyuse, thawesh yuscasewesh FARC -.EP, kiyup scamweshyac neyumethyitse, yusca skewn vituntse, ashuyaja, nasa eushayuthyitse.

PAHZ YUWE

PHEWU'HNA PUYI YUWE'S

Naa puyiyuwe's jxkaasa' Culubxiatewe'sxa' vxite yu'khsawe'sxa' (FARC-EP) phewuna äate pta'sxna yuwe thëythesa's vxite idx mjïinxi's nmehte jxahna uhn yuwe thëysa's yu'çe kahdçxa ewmeesa's txweyna pta'sxna puutx pu'çxna naa çaama's txäawe'sxa' vxite uhna vxithçxatx weywa'ja's yu'çe ewmeesas Paaçte txweyçxa vxite ewsa' txweyya' takhna üsu vxuu's ew vxitwëeçxa' kutxihna uh.

Txä'wëy naa Culubxiate jxkaasa' ki'pna uhna Jxuh yakxçxa uhnxisa' vxite Jxuh jxpeyçxa uhnxisa's yakxna vxite' jweiçaa nuywaalana çxhaçxhavxxu çehna üssatx vxite pkhakheçxa ewmee kadçxaa txwey üssaa, Vxite Yu'khsawe'sxa (FARC.EP) ju'guwe'wena txä'wëyçxaa çxhaçxha yujuhna, tee jwedçxaa yakxna vxite yu'çe ewmeesaa yuwe's, vxite teeçx puutx we'wena nmehte puyi yuwe's kapçujuhna, nmehte ki'phna maa puutx we'wenxisa', ki'h mjïi nwësehme, txä'wëyçxaa kthëguhna naa ewmeesate.

Naa puutx we'wenxisa' tekx txhundenxisatx thëgna: puyi yuwe's phewuhna uhnxi tasx ewmee vxinxisatx, äçxhte makwe ki'tx kutxihna üsu vxite çxhaçxha ewmee mjïina vxite ki'h txweyna yu'çe ewmeesa's. txä'wëyçxaa kxtee mjïina jxkaasa'spa akhna vxite yu'khsatx (FARC) jxuka pheewuhna jxahna yuwe ewmeesa's idxa's pu'çxna äate kaajiyuhna pta'sxna ki'h fxizenxi yu'çe ewmee vxissatx vxite çaam tu'sçxaa puyina fxi'zeza.

I. Yuwe thëysa's pheewhna uuthasx ewmee vxisnxisatx kaajiyuhna.

Naa yuwe ewmeesatx pheewuhna uutasx ewmee vxissatx, pkhakheçxaa puutx we'wenxi yuwe's thëgna: kxtee teecx vxitnxisa's jxuka thëgna peena jxut ewmeesa's uuhmeeçxa vxite tasx uhna (PNIS), na'wë teecx txhuhden yu'pthëhçxa jxuka jxuka uhn peku' fxi'zenxisu (RRI).

Ki'pna uhna phakheçxa' nuyvxituçxah vxite ki'h peena ujxa'mee. Txä'wëy teeçxaju,naa pheewuhnxisa' pekuhsu mjïisaa nuyvxituwa'ja's ewna jïwa'ja's yakxna, ki'h uhmee. Vxite ma'wën yuhpa kadwa'hmee khesehna nwësehna yu'çe ewmee vxissatx. Txä'ju yäja', naa Culubxiate jxkaasa' ewna jïna nwësehna teeçx teeçx puutx pu'çxa yaçu kasejxa' vxite teeçx jxuj jxpeyçxa uhnxispa' yakxna naa tudte utxaçxa' ü'na uusawe'sxtxi', ki'h pkhakhesawe'sxtxi, vxite isa nmeh dxi'hk nwësëhna jxukay pkhakhesatx.



**Acuerdo
de
Paz**

Na' jīina pkhakhen jxuj jxpeycha uhnxisa's nuuyvxitun vxite jweiçxaa yaçu yu'pthēhn kasehn u'jxa ewukan (PISDA).

Teeçx yuwe makxia' tee wedçxaa pahna theythēsa na'wē thēgçxapa le'çxkweçxaa uusatx tud tud fxiy yu'çewa'ja's yakxna.

Isa pu'çxna nmeh ewsatx phuphna çeyasa vxite yu'khwala jxukaysa nmeh thēythē'thē'h kuhmee u'pa'ka.

Yaçkawe'sxa's tud tud kxteey yūuna peekx jī's mdee tuphin vxisna u'psa'.

Tud tud yaçu kaahna ki'h akhnasa kikhte ki'snxi vxite nuyatenatxaa kiwesu jxuka nmeh thēythēhte neyūutx akh kiwe dxisu pendanxi Nasat ikhwa'j vxite nxinx ūpanximesaa

II. ewmee kandnxisa's çxaxzana fxi'zesaa

Takhwa ki'h pejxa' pheewuhna kajiyuhna ewmee kandnxisa's çxaxzana fxi'zesatxi m'wēni teecx yuwe thēythē'sak pthuse nava jxuka wēt wēt fxi'zenxi yuwenakh kaphtūuse'je, txā'wēy jxuka yu'pthēhna kuhte vxite Nasa pejxinixisas ku'lena, thēgna teeçx jxkasa naa culubxia kiwesu.

Naa culubxia kiwete teecx u'se kthēgujutxna jxukaisa vxithnxi dxi'pte ewmee kandnxisa's, ki'h txāa kahkwete jxkaan teeçx tud tud puutx pu'çxna thēgwa'ja's, kcxacxan uhn jxuh jxpeycxa ujnxisa txāa ewmesa çxaxzanxi dxi'pte, kihtepa āhsa's thēysa dxi'pte, mdee mdeeva naa culubxia kiwete akhna tud tud uhna vxite piyanxisa's khiiyuhna penanxisa's khiyun kazxte vxiasa.

Ki'ki'n ki'hputxna tud tud uhwa'ja's thēgna txāa ewmee kandnxisas çxanzasatx.

III. Ew tegwa usnak thegu naa wejxasa, kadcxa txweisa usuneta sa putxwewecxa tud tud dxi ewsas pakueyatx yaktx:

Naa mjiinxi nuiwalahwakh tengu txa phewusxa usniakh yuuwesah txawesxa txteecxa ewsameeyak sa vxiiu ewme mjicxa kutxinxi, peena txanxukameen nxnahmun ewmeesas vithcxa txweikamenn, putxweinii naakh tehgu:

Txa uhnxi uhsesa pakuennis ewmecxa mjinh uszaa ktuudena nuicxaxawa vite kajiyun ewunxisakh neewenxisa pahkuewa jxukasa upnxisa kiwete vite culumxiate jxteinxuva.

naa mijihwa pakween kihcxa pakwena ew us yatxrra puhcxnxisa xteerra kheerra usa payakx vxiiu uswah ewme mjihcxa vxiiu wala kutxinxi .

Jxpayakh uswa jxkaasatx mjii vite dxi txweiya kutxin wala nuiwalan yuhce meeh ewmesatx visna.

Dxikh mijihwajas pakwen cehna usta ewmee kancxa tweisa. yacka kajiyun jxuhkiwesu txah na tawecxa usyakna, tecxsas vitna mawetepa jxiyuya jxuuu jxpeicxa uhnxisas yahcu txahna phewun peekun, kcxacxan pukwewen maa kiwesupa (OEA, UNASUR, CELAC) vite aisu putxwewni vite aisu naa kiwete uta.



**Acuerdo
de
Paz**

TAHC YUWE

PUUTX WE'WENXI NMEH PXTHA YUUCXA UUSATX ISAA PHKAKEÇXAH WE'WE'N JU'GU' VITE KI' SXAWENKAMEN

I. jxukaisa pkhakheçxa :

Pakwen fxii kawa'j ewsa's vxite nmeh ewsa's nata':

Thakwe khpaatxya wëth fxi'zewa'j pxthayusakh penanxitx ta'sxna txäa ki' yuunxispa paswa' ew yatxçxa mjïiwa' kimva puutx we'wena jxkawa' yuwe pu'çxna fxi'zewa's phewuhna vxite ki'ki'n ewmee yuukamen jxukasa: mava ew fxi'zenxi's mjïin üswa'sa' kxtey.

Peena txanxuwahwe: maa jxkanxiva ja'da üsun peena tuphna uskameen, txä'wëicxa isasa's pta'sxna dukna jxukatewesx.

Jxkawa'ja's akna, fxii, dukna kxtey yuwa' vxite txä'wëisa, sa' jxukasa kxtee khëçxa üsünta kxteecxa txä'wë meeteva yuwe khutenxi üsna, ewmeenta yuu vxite jiyunxisatepa, kxteicxa yuun jxkanxisa's

Puutx pu'çxna: pxtayusawe'sx puutx pu'çxna vxit vxite pejxte jxkawa'ja's.

Kwekweju kuhsatx ki'pna jxkaawa'j:

2. Isa Jxkaawa'ja's thëgna, pkhakheçxa ki' kasxwëduhwahme's:

Teeçxa's ja'daçxa' ki'pna kimpa jxkanximee

Txäa jxkaan txänawcxa meeçxa txäicxa, jxuhmee vxite peena kxtei yuwa'j, vxite upnxisu kajiyun, txä's pakwen pu'cxhya wëth fxi'zenxi's pta'nxusatx vxite Nasa ja'da isasa's pakwenxi nata':

Pu'xna jxiyunxisa's kih yuunxispa takna vxite pu'çxna pxtanxusawe'sx kajiyun kim ne'ta yu'; txäa ewmesayak ja'da uhsa maava; vxite jxukaisayak ki' yuunxispa

Wëth wëth uphnxis's maa kiwetepa.



**Acuerdo
de
Paz**

Teeçx ewsa's pakwen Nasa vxitusatx kih jxiyunxisa ewmee yuusatx:

Teeçx nmeh ewsa's pta'sxna ew nxuwa'ja's vxite kxtey nxuwa'ja's txãa wëth wëth fxi'zen txãaicxaa ki'ja'spa yunn vxite ew mjïiwa' ki' ji'pçxava.

Txãa naa Nasa vxituçxa ũstxna pakwewana ji'ne kih jiyunxitepa txãa ewmee kaphtu'senxi vxite kihcxa pu'çxna ki' wëth wëth fxi'zenxi's pxtha yuusatx, isateçxa vxite jxukaisa jïi ki' ewsa uwe's ku'len.

Peekxkichaa jxkaahna nmeh jxuthesa's puyimee fxi'zewa'ja's.

3. Peekxkichaajxkaahna nmeh jxthuthesa'spuyimeefxi'zewa'ja's (JEP)

Ets ma'kx nmeh ewsa's thehna puyimee fxi'zewa'ja's (JEP) eç walasa's thëgna naa kiwe mahkxte jxkanxi kiwete papëyna, ewsa's thëgna vxite ähmee sxigna kuhte' puyi yuwe's thëgna çaaam tu'ssatx, txãwëy yuwe nmeh thëysatxi ki' vxiana.

Txã'wëyççxaa jxuka peçxkana ki' vxite ah jxuna uhna (ja'daçxa pu'çxna) nwësehme sa' yakxmee suwna, genocidio, nmeh yuwesaa puyinxite, phuphna vxite peekxkhichas kimpa jxkanxime'nmeh theyte' nawe aate vxithsa í'ne ujusatx jxuna uhna, ikhna, ejecuciones extrajudiciales, ujxa walustepa jxuhn uhcha kawyanximee, nmeh wala pekxyunxi vxite txaweycha uy vite picte kwakwes phtxuna, walustepa vxiten kutxhina, txaweycha le'chkwesatx jxuna uhnxi.

vxite jxteeçxa khecxa ewme yuun jxtaakwe ewmee vite kaavxiasa vite kavxian phtasxna ewmeenxunta txapaca, jxteepacxa nxuvajas jxpaakaina jxteinxuva txanawcxa 5 meecxa 8 akafx, kih mji dukwa nasawesxtxi. maai kajxiyumete vxite aateyuwes kutximete yuwes, dukhe jiputxna txapnxite neenxuna nazh kseba tahz mecxa jez kseba akafx ah.

JEP kuhwed jxtuutehsa txitxnisa teecxnaw jxukasa mjhinxi txitxcacxa kihpnxisa paal, ewmee nxusatx tegna wala jxtei knxuun, ONU, maatiwetewesxpa jxteiyunxi yat transicional, vite jxiisa jxkaan kiwe wala tewesx vite jxisa jhkaan naa culumbxiate.

4. Isateyuu pheewuhwa'ja's jxukate txahna puyimee fxi'zewa'ja's:



**Acuerdo
de
Paz**

Teeçx ewsa's pakwen Nasa vxitusatx kih jxiyunxisa ewmee yuusatx:

Teeçx nmeh ewsa's pta'sxna ew nxuwa'ja's vxite kxtey nxuwa'ja's txãa wëth wëth fxi'zen txãaicxaa ki'ja'spa yunn vxite ew mjïiwa' ki' ji'pçxava.

Txãa naa Nasa vxituçxa üstxna pakwewana ji'ne kih jiyunxitepa txãa ewmee kaphtu'senxi vxite kihcxa pu'çxna ki' wëth wëth fxi'zenxi's pxtha yuusatx, isateçxa vxite jxukaisa jïi ki' ewsa uwe's ku'len.

Txa puyinxi pcuute kih ew jxijas kaavxiaja

5. Sxawedkameen ki'h pu'chna:

Kaapçujumee kih kasxwëduhpamee kãajaãhn jxkaana vxiamee üstepa jxuka fxifxiy kajiyuhna pkhakheçxa jxkaahna, jxkuka kihne'ta puutx we'we txã's, isa çaamtxi nvxithte ki'h kasxwëduhna nyafxteya' ma'ki'tx fxi'zen u'pu' txã'wëy yakçxa sxawedna.

6. Naa Yuwe Walas eucueçxa, tengwasahiptaw,

Naa Culubxiate uta jxkaasa' ki'ki'n we'wen ki'h naa çxhaba' yu'pthëjëna jïina takhna, ju'gu we'wena nwësehna vxite pasna yuwe ku'lesatx teekx teeççxa thëgna vxite pasna yuwe ku'lehna puyimee fxi'zewa'ja's thëgna, txã'wëyçxaa maa kiwesupa nmeh suwnxi üsna maa kiwetepa.

Yu'khsawe'sxa' FARC- EP äate kaajihna idx mjï's yuwew ku'les'as thëgna vxite ewuhwa'ja's i'kwe'sx pkhakhewa'ja's na's jxkaana walana unjxisa's fxi'zen Jxuh jxpeyçxa uhnxisa's eç makksa's phadewa'ja's vxite nwësehwa'ja's kimpa jxkaamee ujuwa'ja's yuwe kulesa's jxuka, na~wë kxteeçxa pkhakheçxa kihpa yakxmee fxi'zewa'j maa kiwesupa.

SETX YUWE

ÄATE KAJIYUHNA KI'PÇXA KËSEHN VXITE THËGWA'JA'S

Txã'wëiçxaa kapçujumee mjïina puutx we'wenxisatx, txahna kuhçxa äate kajiyuhna kësehn ki'pwa'ja's vxite vxithna e'stey uhna thëgçxa' kdxikuhna, yamuwa'ja's yaçka isana:



**Acuerdo
de
Paz**

I. Jxkaana ki'pçxa' kësehn, e'stewe'sxa's.

Naa kiwete uta ũste' tekhsa jxkaana naa Kulubxiate idx thëgna tuphin ujunxite. vxite tekhsa txhuhdena Yu'khsaa (FARC-EP) meeçxa' le'leççxa txhuhdena Jxuh jxpeyçxa kasehn uhnxisa's Txähçxa jxkawa'ja's ki'pçxa kësehn, e'stewe'sxa's vxite thëgna puutx we'wena nmehtepa puyimee wët wët fxi'zewa'j vxite yuwe ũstepa phewuhna ja'damesatx (CSVR), Naa Bogota çxhab walate, ki'kin jxukaisa phkhakheçxa.

Jxkaana naa vxite mjïinxi's piyana, (teeçx) phewhna ja'dameesatx meeçxa' nmehtepa thëytë'hsa's ki'h kutxihn puutx we'wen (e'z) e'stey uhna puutx we'wena vxite thëgna idxa's nwësehna, (3) Teeçxa's txahçxa jxkaanxi yuwe's, vxite' kiwesu idx piyanxi's kësehna, pu'çxna Çxhabte fxi'zeççxa.

II. Ma'wë jxkaate' kxtey yũunxi

Puutx we'weçxa vxite kajxkewuhçxa' teeçxa jxkaathe' kxtey yũuhn kãajãhn ew we'wenxi's tasxuy thëgna tudte fxi'nxisa's ji'phun naa Kulubxiate jxkaasa ne'jwe'sx.

Ma'wë jxkaate' kxtey yũunxi's ji'phuna kseba a' kafx vxite kxtey yũun ji'phun jxuj jxpeyçxa uhnxisa's thëgna vxite ja'daçxah, nmehtepa uhna vxite' yaçkawe'sx nuyihsa, kutxiçxaxaa kaanxisa's jxuj jxpeyçxah vxite isa yuu nmehtepa wala pejxsa's kãajãhna jxukaysatx puutx we'wena vxite' idx txanxisatx jxkaana, wëse'hna nmehtepa seena pejxinxisatx jxuna uhn Nasa u'ywe'sxa'.

Thëymeyã'ja vxite' jxkaana teeçx fxi'nxisa's ma'wë jxkaate' kxtey yũuna naa kãajãhnxisa's i'kwe'sx yakh vxiusa' kthëguhn idx pxki'nxisa's vxite nyafxte takhwa'ja's.

Naa kayweçehnxiju ma'wë jxkaate' kxtey yũunxi txaawa'ja's e'z een jxaawa'ja's pahz pahz isan kãajãhna nmehtepa puutx we'wena ji'phun jxuj jxpeyçxa naa Culubxiate uta yaçu kasejxa' (PND) ja'daçxah i'kwe'sx yakh jxuj jxpeyçxah uhnxisa's wala kuh a' kafx yu'pthëhna. Txã'wëyçxaxaa jweičxaxaa nuyçxhaçxhana pejxinxisa's PND açxhtewe'sx. Txãawe'sxa' we'wena yu'pthëhna txã'wëysa's meeçxa' kxtewe'sxa' pejxsa'.

III. Isa kãajãhn pupxna kuhçxa' puutx we'wen msuu msuupa Vxuutewe'sxa's thëgna:

Yu'pthëhna pejxsa's we'wen txã'wëy nmehtepa jxuj jxpeyçxa yaçu kasehn uhna vxite çxhab walakwe'su vxite çxhab le'kwesu, vxite vxiutxi' jxukaisa tudte pu'çxna vxite jxukai jxkaana ji'phun, pu'çxçxa' yu'phëhna naa kãajãhn puutx we'wenxite.

IV. Vxitetxpa isawa'h.



Phandeçxa pu'çxwa'ja's txuhdeçxa kãajãhna txweyna puutx we'wenxisa's, na'wẽ ki'pna jxuka kxteeçxa pkhakhenxisa.

Pu'çxwa'ja's fxiy fxiy isan ãate we'wena kãajãhna nmehte puutx uyna, txã'wẽyçxaa pta'sxna maatxpa peswewẽna.

PUUTX WE'WEN THËGNA

Naa Culubxiate jxkaasa' e'z kseba tekhewe'sx wẽje eente FARC-EP yakxna puphna kxteeçxa' mjĩina pu'çxwa'ja's ãate txahna jxuj jxpeyçxa' uhnxisa's jxkaanxisa's isanisa' 156 -2015 camarate, isanxi 94 2015 Senadute, jxahçxa' we'wenxiyã'ja' txã'wẽyçxaa Corte Constitucionalte.

Teeçx wẽje a' kafx 2016 pxiante na'jĩ'k C-379 2016 Corte Constitucionalte thëymee naa jxuj jxpeyçxaa uhnxisa's ewsa's thëgna ewna jĩina nmehte puutx we'wenxisa's yhëgna puyi yuwe's kapçhujuna vxte txahna puyimee fxi'zewa'j ma'wẽte yuhva vxite nes yũuwa'.

NASA WESX YUWE WALAS KIPNI

Nasawe'txipa txudemee akhna puutx we'wecha nmehte puyimee fxi'zewa'ja's kajiyuhna kuhçxa' naa Culubxiate jkaasaa (Gobierno) vxite yukhsawe'sxtxi (FARC)

6.1.12 Nasawe'sxtxi txuhdena



6.1. 12.1 Ûusyaxwaja's

Naa Culubxiate jxkaasa (Gobierno) vxite' yukhsaa (FARC-EP) Nasa çxhabtewe'stxi ki'h kaajiyuhna puu'çxna phewu'hna puyimee fxi'zewa'j ma'wënte yuhpa pçukameen, yaçu, kasen uhkhan wejxpa jweichaa ji'phun vxite kxteeçxa mjïin naa kiwete' sa' nmeh wala pxthaa yuune'ta yaçka yuwe's thëgpa'kamee, vxite pu'çxpakamee musxkawe'sxa jxuka suwçxa uhkayapane'ta yu', napa Nasa we'sxtxi ewumeeta',ki'h txãawe'sxne'ta jxkaaya'pa yu' napa ewumeetne', sa' Nasa ji'phunxi kiwe's kusehçxa msuu ùsptepa ekane'ta wātāya'pa yu'; ki'h txã'wëiçxa wala suwnxi neeyuune' puyisa' Nasawe'sx tasxsu ùspa'ka vxite pu'çxna jweiçxaa pu'çxna piyan mjïi yuwe's ku'lehna Nasawe'sxtxi vxite kxteeçxaa pkhakheçxa u'hnxisa's kwe'sx ùs yaknxisa's, Nasnasana dxi'pa fxi'xiy yakxna uhna ùswa'ja's ji'ptha'w jxukaysaa.

Kih uusyaxkika Nasa çxhabuwe'sxa's thëgna mjïinxisa's jxuka swena i'kwe'sx kiwe, meeçxa u'pnxisaa vxite ji'phunxisaps txähna, peekx fxi'zenxi's ew jjisawe'sx vxite yaçka yuwe's, vxite kãajähna nmeh ewsa's kpahkxna vxite peekx jiyunxisa's, ki'h peejxte thëgcha kajahna puutx nmehtepa'h puyinxi's jxahn kühçxa na'wë athna ùsya' ewuhnka'w ma'wëntepa puyimee fxi'zen ùsya' ewunka'w vxite pçumee naa Culubxiate.

6.1.12.2. Nxafxtewe'sxa's thëgnxi

Naa pta'sxnxisa's jxuka kãajähna jxahn puyi yuwe's puutx we'wen vxite athna puyimee ùswa'ja's ma'wëntepa naa Culubxiate Nasawe'sx jï's nuyihna, thëgna kãajähna yuwe ku'lesa's thëgna jxkaana pahz puzate, naa kiwete uta, peekx jïi yuwe ku'lenxisa's thëgna, nyafxte nmeh ewsa's kasxweduhmee, ki'h kaajiyuhna puutx we'wena naa kiwete uta yuwe ku'lenxisa's thëgna yaçu kaseh uhn ùsya' ewuka'w, kxteeçxa pkhakheçxa peekx fxi'zenxisa's ew thëgna u'jxa, na'wë nyafxtewe'sxa's vxite yuwe kulesa's ki'h kajiyuhna pkhakhecha mjïina jxahn u'jxa, u'ywe'sxtxi fxiite jxuka ekaju kutxiwen.

Sa' jxuka kajiyuhn kuhçxa puyi yuwe's kapçuju'tx jxkasawe'sxa' wala puutx we'wene'ta, vxite puyimee ùswa'j yuwe's athna ma'wënpa naa Culubxiate uta Nasawe'sx vxite ma'wë ma'wësapa' ùsta' naa pa'ga, Nasatxpa nuyihna txã'wëy eka nvxitmee kxteeçxa phakheçxa' ewna jïina, kihtëpa jxuka akhna sa' nyafxtewe'sxa' naata', peekiçxaa jxkaana fxi'zewa'j Nasa kiweka vxite khabu athna fxi'zesawe'sx, txã'wëy pkhakhecha, yaçkawe'stxi papëyçxa jxkaan ujxa', peekx pta'sxna, kxteeçxa pkhakheçxa mjïisatx Nasa kiweka açxte puutx weyçxa ù'na ma'wë fxi'zewa'ja's kaatxuhdena, sa' kiwe yuwe'spa thëgna, mdee mdee yu'kh kiwe'spa thëgna,ki'h kjiyuhn kwe'sx ju'gtewe'sx jï's athna yuhna ùstha'w, kiwe yuwe'spa kaasxweduhna sa' vxite mdee mdee kiwe'spa nuyçxaçxhana, jwee dxijuy thëgna açxhtewe'sxa's nwe'wena vxite payakx thëgna kiwe yuwe's mdee u'pçxah vxite jïi yã'h u'pte, meeçxa' puutx thëgna kwe'sx ju'gthë'j kiwete' vxite/ meeçxa' yaçka thë'h ma'wë ki'tx fxi'ze txã'wëy yakxna u'pwa'ja's kajiyuhna.

6.1.12.3 Phupna vxite kaapçujumee ji'phuhn



Phupna ki'h pta'sxna kuhçxa' puyi yuwe's wala puutx we'wetx kaapçujuya' vxite txã'wëy çxaçxha athna uja' puyimee ũswa'ja's ma'wëntepa naa Culubxiate uta Nasawe'sx jĩ's nuyihna ũsya' mdee mdeepa.

Nmeh ewsa's nwese'wëeçxa' na'wë pu'çxna fxi'zewa'ja's ji'ptha'w sa' vxite kĩhpa pëymeete' pu'çxmeetxna, pta'sxpameetxna vxite yuwe ku'lesa's thëgwëte', sa' kwe'sx fxi'zenxitewe'sxa's pëyna jweeçxa piyan uhçxa' yaçka thë'h wejxa's ma'wën yuhpa kaapçujukameen txã'wëy kaasxwedujkapameen, ma'wën yuhpa yakxna jxuuna u'khan.

Kĩh yuuçxaka yaçka yakxmee, meeçxa' tud tuh yuwe ewsa's kxteeçxaa kaççxa phewu'hna uh Nasa çxhaba' kihne' yaaki txã'pa phewuhna.

a. Pkhakheçxa tud tuda' yu'pthëhna peku' u'psatxpa

Na's kãajãhna RRITE' kaapçujuwa'jme's jxuna tudkwëçxa, e'sçxapa kpa'kna uhna ũsya' ewuuna sũhna Nasa ũus yakxna fxi'zenxite, pkakheçxa kxteeçxa fxi'zeççxa' kĩh pejçxa' pëyna ãçxtewe'sxa'sa', txã'wëyçxaa kwe'sx fxi'zenxitewe'sxa's thëgna nwe'wena vxite pa'yakx kiwe yuwe ju'gu we'wena msuu msuupa u'pnxisu meeçxa' ju'gthë'hwe'sx jĩ's / meeçxa' Nasawe'sx ũus yakxna fxi'zenxite. Txã'wëyçxaa jxukaisa pkakheçxa msuu msuupa thëgwa'ja's uyutxna vxite majkwe jxu'thepa' Nasnasana dxi'pa yakxn fxi'zena vxite ëekathëja's isa yuhna sũuna yakxna u'juwa'ja's kaajiyuhna, jweičxa çxaçxha yakxna nwe'wewa'ja's pakwena Nasawe'sx çxhabka nmeh ewmeete ujweça' kaapçujuwëena kwe'sx jxuj jxpeyçxa uhnxisa's phuphna fxi'zewa'j ji'ptha'w jxukaisa ma'wëtepa.

Tasxuy akhna kayweçen thëgna kiwe's. Sa' Nasawe'sx çxhabtxipa akhna ma'wëni', ki'h fxifxiy pu'çxna kwe'sx yakxnxisa's kpa'kxna u'khan kiwe tasxuy kayweëhna uhkhna swekamen yuwe ku'lesa's kpahkxna kujya' ewukan. Kiwe pe'latx dukhna txaãwe'sxiççxaa phewuhna eç fxinixsa nmeh ewatx jxuna uhkhan, vxitna, phewuhna, nuywalana, msuu skhewuçte xhuhdena, kasxwënduhna vxite kiwe yuwe'spa phewuhna uja' puyimee u'pwa'ja's yakxya'. Nasa çxhabasa' jiyuwa'j ji'pta' yaçkathë'hwe'sx kiwesa' ãçxtewe'sxpa wala ew thëgna fxi'zewa'ja ũsa', kwe'sx ju'gthëwe'sx jĩ pa'ka txã'wëy yukhwalaspa phupna fxi'zen u'phwa'j ji'ptha'w yaçka yuphna sa' vxite kiwejuwe'sxa kwe'sx upnxika suwya' pa'khamen txã'wemee Vxuu meeçxa kihpa ũsna txã's jxuhn u'jxa' ewukamen. Txã'wëy vxithna vxiamée ũstepa jxuka äate kajiyuhna puyinxi yuwe ũstepa phewuhna, tulte Nasawe'sxa uhna fxi'zene'ta txã's jweičçxaa nuyçxaçxhana Nasa pkhakheçxa fxi'zenxitasxka jxkaana mjĩna, ma'wëni' puyi yuwe's ku'lehna wët wët fxi'zeya'.

Kĩh yakxnxi ji'pçxa vxitna mjĩna uhna msuu msuupa (PDET), vxitna thëgna teeçx vxiamée ũstepa jxuka äate kajiyuhn nmeh ewasa's papëyna kãajãhna, mdeepa jxuka akhna e'sçxapa kpa'kxna



**Acuerdo
de
Paz**

kūkan Nasawe'sx tasxka, sa' txā'wēy ma'wēne'ta u'pu' Nasa fxi'zenxi weçesu msuu msuupa, nuyihna kāajāhna nmeh pejxinxisa's pakwena wēt wēt fxi'zeya, Nasa mjīinxika, ma'wē ki'tx yukh walasa' thēgna phupna fxi'ze msuu msuupa jxkana maa kiwesupa meeçxa' i'kwe'sx upnxisu ja'dacxaçxamatx thēgna fxi'ze Nasa Çxhabte'.

b. Tud tud puçxna ujwa'

kwe'sxtxi wejxkpa jweiçxaa ewte nvxitwa'ja's āh pu'çxna isasa's khabu uwesawe's xa' nasa' kwe'sxtxi ee thēgna ki'h pejxte kthēguhna fxi'zewa'j ji'pta' fxixiy yuwe wala's thēgna mdee mdeepa, jwe dxijuy puutx we'wen kuhçxa puyi yuwe's kapçu'junatx kūh jxukaisa yūuçxa', txāasatx teeçx teçxteeçxa Nasa na' dxi'pa wala weçxa (e'z) yuwe wala's jxuj thēgçxa pu'çxna u'hñ ūsnxisa' naa pa'ka.

Tun tudçxa pxhiwna ki'h pu'çxna kutxin peynxisa's Nasawe'sx çxhaba's eçte dxijuy āsxna maa kiwesupa fxixiy yuwe wala's thēgna ūswa'j ūsna puyimee wēt wēt fxi'zewēçxa' - CTEP, txā'wēyçxaa ma'wēnsuya' dxijuy āsxna kuhçxa kxteeçxa pkakheçxa kwe'sx kiwesu u'pya' ewunka'w.

c. Tud tud Pu'çxna nmeh pa'yakx 3.4

Txāwēyçxaa jxuj thēgçxaa uhnxisa kāajāhna nmeh pa'yakx kajiyuhna vxite' phuphna Nasawe'sxtxi, sa' vxite Nasa' wala pkakhenxisa kiwesu ujkawa'j uyna dxi'j ewsaa uyunka'w Nasawe'sx vxite pekuhn Nasnasa dxi'pa yaxna.

Dxijuy puutx we'wen kuhçxa jweiçxaa nuuçxaçxana, ew kajiyuna peekiçxaa pa'yakx fxi'zena Nasa çxhabte, ki'h kajiyuhna Culumbxia kiwete uta, vxite' jxuj kiwete uta Nasawe'sx kiwe thēgsa vxite' khūçx kiwe thēgsawe'sx.

d. Tud tud phewuhna yuwe ewmeesa's kadçxaa vxite fxiy kutxihçxa paaçte txweyni.

- Dxijuy puutx we'wen kuhçxa' Nasa' çxhabsu pa'yakx papēyna vxite yuwe ewsa's phewuhna jxuj jxpeyçxa uhnusnxisa's uythasna (PNIS), pa'yakx nmeh jxuj yakçxa uhçxapa wala tud tud yaxna Nasawe'sx fxi'zenxi çxhabsu, ma'wēnpa ki'h yūute', (PNIS) nwēsejwa'ja vxite phuphna u'pwa'j vxite txāawēyçxaa weyna kwe'sx yaçka thē'j jxutha's vxisna fxi'zenxite sa' yu'çetxpa txā'wēy txitxna ma'wēnteya' wala ewmee kselpihpa'ka. Ma'wēn yuhpa papēyya' ewumeena āhmee kipnxitepa pejxinxisa's jxuj jxpeyçxa uhnxisa's yaçkathē'h fxi'zenxisaa kiwe's thēgna u'hna ūsya' jxukaisatx kthēguhna weyna kwe'sx jī's.



**Acuerdo
de
Paz**

- Isasa kiwe yuwe's wëse'hçxa yaçxu kutxin üsyaya' ewutxna Nasawe'sx u'pnxi çxhabsu, jxawa'ja's isa's we'wena kiwe yuwesu ki'h uhçxa wala ewmee kselpihn uspa'ka Nasa fxi'zenxi çxhaba' wala ewmee neyũuna ukh ptxuu we'wenxi, kaapçxujuwënxixi's vxite' kwe'sx fxi'zenxi's, meeçxa' jxuka jxãwënxixi, ma'wëni' txã'wëyçxa Nasa kiwesupa ki'h Naa fxi'zenxi çxhabsupa txã'wëyku nmeh thëythek yũuna u'h, meeçxa' nvxitçxa vxite ähte uhna, üspa'ka.

- Txã'wëy wësehn nmeh ewsa's kĩhne yũu Emberawe'sxa' txãwe'sxa' maa kiwesune' u'pu txã's kajiyuhna vxite Puerto Libertador Cordobate' Ituango Antioquiate, JIM çxhabtewe'sxa' San Jose Guaviarete u'psaa, vxite Nukak çxhabtewe'sx Mapiripana vxite Puerto de Concordia Metatewe'sx, txã'wëy Tumacuwe'sxa' Chaguisu u'psa vxite Awa Narçxu kiwesuwe'sx çxhabtewe'sx. Txã'wëyçxaa kxteeçxa pkhakheçxa mjĩstxpa jxpi'kxna Alto Miratewe'sxtxi Vxite msuune' yu' wala txhude Chagui yasesa' sa' vxite kiwesu Çxhab Buenos Aires yasesa' , nmehtek Alsacia Çxhaba' kaukate weten pa'ja.

- Kimpa na'wë yũuka jĩmeetepa jxukaisa puyimee wët fxi'ewa'ja's yuwe's athna, phewuhna vxite Nasa çxhabsu txãwëy, naa Culumbxiate jxkasaa, vxite Yu'khsaa txã'wëyçxaa jxkasawe'sx kutxihçxaa kaanxisa üstxina Nasawe'sx çxhab, Nukak yasesa' çxhan Embera kat'io yasesa' na'wë txãawe'sx kiwesu thëgna pkhakheçxa' yakxna Nmeh Jxuj thçegnxisate vxite txhudenxi Curvarad'o vxite Jiguamiandute.

e. Puyiçxah ekaju kutxihnxixi yuwe: "ja'daçxa pkhakheçxa puyimee isa, wët wët fxi'zenxi,

- Jxuj jxpeyçxa kuskaytewe'sxa's yakxa uhn üsnxi yuwe, sa' kxteeçxa pkhakheçxa' uhçxa' isasa's uyna kujunka'w, phewuhna vxite kih kasxwëdujxa'mee mjĩnxi's piyan ujxa' Nasa fxi'zenxi kiwe dxi'ju khabu atsawe'sx jxkaana fxi'zewa'j ji'pta' pkhakheka khteguhn naa kiwete uta meeçxa jxuj kiwete uta äçxtewe'sxa's thëgna.

- Jxuj jxpeyçxa' fxi'xiy vxiamée üstepa jxuka äate kajuhn musxka eç vxithnxisa's vxite khabu athna fxi'zesaa tudte eç vxitnxisapa sa' Nasa tasxka eç yakçxa' vxithnxisapa txã'wëyçxaa nmeh seena seelpisa' kwe'sx Çxhabka e'sçxaapa kpa'kxna Nasa fxi'zenxisate. Sa' txã'wëyçxaa nwëse'jna pa'yak pkhakheya yuwe ku'lesa's papëyna naa jisatx vxiamée üstepa jxuka äate kajiyuhna, ma'wën kwe'stxi thëgwa'j kuhte'.

- Kwe'sx u'pnxika jxkaana vxite pkhakheçxa çxhaçxha yakxna yaçkathë'h kaaykajamee nvxithnxixi's nuuçxhaçxhana kkimpa jxkakhamen txã'w'ey jxkanxi art 246 musxka jxkanxisa' vxite vxisnxisa', yaçkathë'h khabu's khũçxwe'sxtxipa txã'wëy.

- Txãwëy papëyna na'we kwe'sxtxi akhna üsutxna Nasa cxhaba's teeçx thëgnxisa nmeh ewsa's kxteeçxa pkhakhecha fxi'zenxi's ki'h akhna, sa' akhnxisameetx txã'wëy çxhabte u'sapa'ka,



**Acuerdo
de
Paz**

txitxhca kaasxwenduhna mteene'ta yatska u'pu' kxtey, txãa kiwesu kxteecha pkhakhecha u'pa'ga. Txã'wëy yakxna teeçx pevxya'nxisa's pkhakheçxaa kteeçxa fxi'zenxisa's nuywalana takhnxitewe'sxa's eka kutxikhamen Nasa pa'ka vxite u'ywe'sxtxi, piçtakhwe'sxtxi vxite luuçxwe'stxi vxite luuçx u'ykwewe'sxtxi eka nvxitmee puyi yuwete phewuhn kũpa'ka.

f. Tud tudçxa' kãajã'nxisa's vxite' isa's thëgna'

- Tudte nmeh wala ewsa's thëgna Nasawe'sx çxhabtxi yaçu kutxihn ũsya' ki'h puutx we'wen yuwe kãajãhdan uhn ũsya' naa Culubxia kiwete jxkasa's, vxite yukhsawe'stxi Nasa fxi'zenxi çxhabka. Tudte mjĩn taknya ma'wën pëyna, kutxiçxaa kaahna teeçx kutxiçxaa jxkaasayakh puutx we'wena kipçxa kih khësehna, uhna vxite thëgna nmehtepa puutx we'wen kuhçxa' puyimee fxi'zewa'ja's yuwe's athna vxite fxifxiy yuwe's phewuhna (CSVR). Yaçkatewe'sxa's suwmeë ji'phun tudte khabu atsawe'sx jxaana fxi'zenxika akhnxi ya' ũsa'.

Kĩtkka'w pejxi txãa Vxuu yuwe'sa' akheçmeet'a txãa yuwe ewsa'sa, Vxuu txhundenxisa's jxuka vxitnxiya' ji'pna naa Culubxiate jxkaasa' Nasa fxi'zenxi çxabtewe'stxi vxite khũçxwe'sxtxi, jxuj jxpeyçxa uhnxi msuu msuupa ũsya'hna ãçxhte' vxite txã'wëyçxaa kwe'sx pejxinxisa'sa jxkaaswe'sa' yakxna jxuka akhwa'j ji'pta'.



**Acuerdo
de
Paz**